

沈乃文 主編

明別集叢刊 第五輯

第三冊

黃山書社





國家出版基金項目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第三冊

黃山書社



(明)徐 勳 撰

鰲峰集二十八卷

明天啓刻本

黿峰集序

徐興公名煥初字惟起後
乃更字興公故壇苑人之
稱徐興公獨著然余聞君
貧無兼日之糧而性喜書

黿峰集

序

書常聚書至數萬卷每見
異本典衣購之或道旁小
肆蠹簡半殘觸目輒緝檢
鬻主就中有一二名篇在
焉排沙揀金容獲瑰寶世

不知其自來也所居黿峰

下客從竹間入環堵蕭然

而牙籤四圍恍遊羣玉興

公雖祭酒布衣乎縹緗之

富侯卿不能敵矣君壯而

黿峰集

序

好遊輒與其高壇酬酢晚

乃簡出日手一編問奇之

履恒滿里中事無大小人

人願得君一言為榮君亦

多與少拒故生平之撰述

獨多胃中既已富有考據
精覈故自為題識亦侈詩
自樂府歌行迨古近體文
自序記碑銘頌贊論說題
跋談叢無所不備非止小

整峰集

序

四

才者之僅一長焉余仗鉞
絃土籌海小暇邀君集
中者再見君如冥鴻獨舉
浣水流沙鷹鷺自有他
梁而君不屑也君整峰

凡若干卷未及梓行余為
授之副墨氏曰歎徐氏之
先有二人焉孺子南州高
士陳仲舉為特設一榻玄
則懸之今試為興公特設

整峰集

序

四

一榻其懸也不既多乎偉
長懷文抱質恬淡寡欲有
箕山之志著論二十餘篇
成一家之業辭義典雅足
傳于后興公是編行可

偉長並稱林、君子矣

天啓乙丑仲秋關中南居

益撰



龜峰集

序

壽

大詞宗徐興公先生五表序

興公先生天下士也而又當世著作之林也今茲春秋五十矣命舟來游豫章豫章工詞賦者聞其至罔不驚喜相與載酒問奇無日不干興公之門興公矯矯鵠立憇南浦眺西山徜徉乎徐亭滕閣之間浮白嘯咏若有餘暇來謁者無不滿志而去主賓相於甚樂也已乃治裝將歸諸得納交興公者無不稱詩以相送家弟泰冲東海壽言

則爲九仙山圖以壽興公屬不佞導其意夫九僊者閩中山嶽之靈秀者也蘊蓄寶玉吐納雲霓珍木異草罔不是值而何姓九人者於此羽化乃其名則又象夫美門赤松諸僊人之所宅者以似興公豈不善頌善禱哉自予觀之意若有未然焉閩地僻在東南風氣恒煥所毓珍異之品性亦固殊稍移而北則多荏苒而靡鬱興公東南一大文人也其所著作纔一脫草橫行海內何所不宜九僊珍產寧可得而喻耶予聞

赤松羨門之徒傳居山澤惜精葆神收視而友
聽不如是則其道不成卽成矣離人群而索居
與鳥獸爲伍生世之樂斬焉無望近則百餘歲
遠則千餘年精氣銷淪終歸于盡旣無話言以
表世又無洛誦以相貽設非文人墨卿錄紀名
姓則與草木奚擇哉興公以其才性之長友徧
天下賢豪長者其精神氣韻鑄在毫素炳炳燁
燁照耀斯世雖跨越千百里曠歷千百年一披
誦之睂宇襟期宛如對面豈偷息歲月者可得

東海壽言

而望乎嘗謂僊人神用私諸已文人神用公諸
人僊人貴游戲而重言詮文人貴斧藻而輕思
慮僊人久而益亡文人久而益著其卷舒功用
之異較然明矣彼芙蓉露下楓落巫江寥寥片
語千載動色矧興公著作百倍其人乎此吾所
以坐知興公之專千百世之壽命而非諛也九
僊云乎哉家侄安仁于興公先生尤石交業興
皇社中若而人各爲題詠遂錄取愚言顏其圖
以佐先生萬年之觴

萬曆己未歲孟秋朔日

勅理石城王府事南州友弟朱謀埏頓首拜撰

徐興公先生六十壽序

社兄興公先生花甲初周著述甚富同社丐圖
于東越張明甫明甫繪王右丞詩有閉戶著書
多歲月種松皆作老龍鱗之句圖成予得寓目
焉因序曰予觀古人精神之所寄歲月之所積
或在乎編摩與其溉植皆足以持久而不可磨
滅是故椅桐梓漆立國者資焉榱桷豫章論賢
者取焉杏壇之檜世治而復榮成都之栢材大
而益壽陶公撫孤松以盤桓莊生寄漆園而婆
娑

壽序

娑其所繇來達矣夫學猶植也非旦夕可以驟
長故必涵濡于義理若夫雨露之潤也借資于
聞見若夫風日之鮮也居一而不遷若夫丘陵
之固也富有而日新若夫錙累之積也夫然後
可爲千霄拂雲蔽屋而張席其下學之上進于
高明而有以濟人利物之廣也亦何莫不然興
公之於學可謂積而專矣少長於其父兄之教
而足跡遍江南交游天下士訪諸故老典籍所
遺而討習之凡數十年之久而不間于風雨晦

冥始得稱爲學士噫豈易言哉予雖竊有志焉
於學然少鮮師訓長則遇物而遷僂得而僂失
之日見其勤亦何益矣每適興公之廬而叩其
旨蓄輒若婁人之入華屋饗子之過屠門也興
公所居綠竹千竿皆自其尊公手植而益埤厚
之兼有雜樹名卉點綴其側均足以寫幽人之
致興公每手一編抽一韻而意冷如也詩詠淇
竹者始生而猗猗然既長而青青然及其繁密
如箐文理條次斐然之君子成章矣故始則切

壽序

磋琢磨之功而終于善戲謔不爲虐予知興公
之終日謹而非虐也衛武公之耄而好學其酒
戒之詞曰賓之初筵其音秩秩予願以今日視
壽之杯爲初筵也秩秩德音與同志者勉之社
中因展其圖于次以勸學

崇禎二年己巳孟秋朔日社弟曹學佺能始撰

壽徐興公先生六十一序

徐興公通身無俗韻相賞多松石間意徐而卽之則畋漁百氏若待叩之懸鐘也予嘗登于山見亭臺綿亘海環其外目境殊豁而興公所居恰在其下齋名緣玉大可如斗乃四面盡縹囊陸氏書巢庶幾近之君於書無所不畜凡古來篇目世間所不甚經見而君饒收之有携舊書求鬻者君卽乏甚必典衣以償故獻書者輒歸君爲谷王云君所交多巨公之淹博與王孫之

壽序

七

好事見古來訛字斷簡近經補定者輒以異本遺君其相揚較君坐卧探書隨手所得輒盡一帙故君不特于書無所不畜也且亦無所不窺在昔五總龜君殆無歎耳間或杖策出訪友人不甚累人以案牘間事所在輒遍閱其佳山水臨眺旣終舐毫記之足爲遊屐司南客每訊其歸裝杖頭蕭索而囊書則暴侈矣君故清白吏之後也無他生計所需惟賣賦錢其所屬綴然大雅後進名能風騷者非經平子未敢遽出

示人君於性不耽聲伎不耐翹葉每人靜客散則惟擁書以敵百城教子若孫咸世其家法少年場中豪華隊裏豈足當君一盼者哉夫自布衣之壇靡也韻事爲媒藻苑爲市遂使清風朗月玄度笑人而君獨鶴雞群悠然自適又若腹中多有每至凌人如崔儵自署所居云不讀數千卷書不得入此室則末學苦之而君飲人以和凡問字乞言履滿戶外各得意去譬之長篴散綠百草分陰卽蕉可無彈矣先是楊太史叔

壽序

三

向爲閩觀察與君家伯仲爲莫逆交旣而陳方伯德遠甘參知子開喻郡伯正之皆海內名流時枉干旄商略文雅最後南司空思受爲閩中丞楊懸南州雅相矜契以一山澤癯能使高牙折節如此豈偶然哉 明興巖穴能言之士如盧次樸徐文長俱磊落不修細謹卒纏網國謝茂秦盛氣晚乃見逐于其儕文行俱優者惟孫太初而家祚中替若終始無玷興門克昌者近世惟沈嘉則朱察卿庶幾君匹耶君覽

慶庚午年今崇禎庚午爲花甲重過之期吾鄉諸君子以松茂栢悅予不可以無言予無能重君也但搔首于山高君名與齊矣

龍溪友弟張燮紹和頓首拜撰

言序

八

鰲峰集目錄

一卷

賦

二卷

古樂府

三卷

四言古詩

四卷

五言古詩

鰲峰集目錄

五卷

五言古詩

六卷

五言古詩

七卷

七言古詩

八卷

七言古詩

九卷

五言聲詩

十卷

五言律詩

十一卷

五言律詩

十二卷

五言排律

十三卷

七言律詩

聲峰集

目錄

十四卷

七言律詩

十五卷

七言律詩

十六卷

七言律詩

十七卷

七言律詩

十八卷

七言律詩

十九卷

七言律詩

二十卷

七言律詩

二十一卷

七言律詩

二十二卷

五言絕句

聲峰集

目錄

二十三卷

六言絕句

二十四卷

七言絕句

二十五卷

七言絕句

二十六卷

七言絕句

二十七卷

七言排律

二十八卷

詩餘

龍峰集

目錄

龍峰集卷之一

閩郡徐燭興公

賦

鼓山賦

緊石鼓之崔嵬作海邦之巨鎮週迴百里壁立
千仞地軸盤峙乎坤山勢障屏于震並華頂之
穹窿齊嵩高之極峻下臨滄海遠望扶桑遐哉
渺渺鬱乎蒼蒼瞻瀛涯而點綴眺島嶼之微茫
盱琉球之國而隱見矚天吳之首以昂蟠

龍峰集

卷之一

降于下界空萬頃于八荒觀曜靈于昧谷接羲
馭于東陽若乃崑崙崑崙崑崙崑崙崑崙崑崙
嘉祥鍾巖壑之靈秘寒雲際曉而鎖青古木當
春而積翠靈水澄源其泉湧地縉栢聚僧精藍
剎寺開山則祖師神晏檀施則閩王忠懿標佛
土以莊嚴表禪宮而壯麗祇園寶殿紺宇珠林
臺鋪碧瓦地布黃金馴鶴紛飛現半空之影頻
伽解語送靜夜之音梅檀有香而馥鬱蘄藹有
氣而蕭森至于國師登壇高座說法澗底泉聲

奔流聒聒雜梵唄以喧飛混摩訶而活潑立運
神通放聲一喝廻別竇而倒流涸空潭而停歇
望石壁今徒存聽澗漸兮永絕洞門峭蒨磴道

岩堯石封苔而稜漸損藤抱樹而葉微凋亭跨
丹鳳之尾橋甃巨鰲之腰摩古賢之篆刻辨名

姓于前朝法嗣曾茲以卓錫高人昔此而挂瓢
懷古蹟而心悸感往事而魂消爾其異草奇花

珍禽怪獸妖艷蒙茸高飛遠走彌布于疊嶂巖
巖吟嘯于窮崖廣岫澗旋別徑路轉人家錯村

龍峰集

卷之十

三

落其如繡開場圃以種茶植先春之粟粒禾未
雨之靈芽老翁負筥而向火稚子持筐而踏霞
笑北苑龍團之莫匹渺陽羨紫筍以難誇極林
壑幽翳之足賞何陵谷變幻之堪嗟樵火夜遺
琳宮瓦礫佛國榛蕪禪房荆棘風吹蔓草兮芊
緜水漾寒花兮寂歷山魃哭雨以啼霜行客撫
今而追昔痛頽廢兮六十餘秋悟殘灰兮百千
萬劫寶銷佛面已多年金舍給孤于何日登臨
自美吊古空勞歌以咏志賦必憑高尋滄溟于

一勺睥天風之海濤躡應真而飛度挾子壽以
遊遨身陟雲山兮渺渺眼空塵海兮滔滔優哉
遊兮以翔以翔

啼蜚賦

歲在壬辰宅艱寢塊一丘未掩千里徵文旅
寓吳門心懷故國孤燈兀坐顧影寂寥忽聞
四壁寒蜚不禁千行淚血淒然傷感鬱矣增
悲欲抒哀情漫成斯賦

銀河如練兮商飈蕭瑟金氣灝渺兮稿梧墜葉

龍峰集

卷之十

三

傷哉遠人離懷百結良夜以永復如何殘燈
淡愁思多凭危欄兮惆悵對孤枕兮滂沱流螢
幾點明復滅寒蜚四壁怨如歌冷砌空階頻垣
暗室半夜微寒蜚聲唧唧始騰音于曠野愁吟
嚶嚶再流響于中庭哀號趯趯如吟如嘯非竹
非絲刻宮商兮宵杳變徵羽兮淒其荆卿別于
易水楊朱泣于路岐長門永巷湘江九疑傷不
足以疑其烏咽哀不足以狀其漣瀾揚兮復
速兮復遲爾其月落屋梁露零玉妃遶南

東西徹前後今遠邇雜鳥鳥兮啼夜霜伴鴻雁
今叫秋水哀韻紛沸于一堂繁音不絕于兩耳
乃若零雨其濛終風且暄虛室沈淒重門密閉
咽嘶出乎蘭叢嘈雜透乎薜荔若夫早烟初歛
曉色溟濛廢井苔深荒園露濃和城闌之斷角
答古寺之殘鐘乃有遠客宵征離邦去里馬蕭
蕭兮魂已斷車轢轢兮心半死張夜月兮空明
怨秋風兮暫起梁鴻度關賦五噫王粲登樓歌
信美又若香閨綺閣憶遠不歸望蟾蜍兮空佇
立纖鴛鴦兮難上機麝蘭火燼于寶鴨絲桐愁
絕于金徽魂消水漏淚漬羅幃更若劉蕡下第
季子空還黑貂裘壯士無顏風塵痛楚道路
險艱萬里羸馬一夜關山視筆研兮愁嘔嘔
詩書兮淚潸潸斯時也石人聞之而感傷鐵心
聽之而增慟况麻衣孝子淚盡目枯而不飲恨
吞聲者乎亂曰萬籟寂兮秋夜清秋風瑟瑟吹
前楹秋風秋夜秋月明秋月明兮秋思生淒淒
秋思空復情羈樓客子心魂驚心魂驚兮愁不

龍峰集

卷之十一

四

信美

輟吾將歸去兮誰云此恨而難平

乍見賦

嗟人生之轉轂兮恒一東而一西恨踪跡之流
萍兮真聚散而弗齊痛遠別兮道路邈嘆離群
今天一涯傷人遐而室邇感會少而情睽然不
意以遭遇或無心以追隨既樂深而不殫復喜
極而難持若乃曲院疎檻涼天靜夜絕過客之
屢聲寡高人之軒駕落月蒲乎屋梁寒雲停于
草舍倏驟見兮綢繆陳酒殺兮杯竿樂傾蓋
方新鶯會同兮何乍鳥鵲已飛鵲鵲猶卸至若
臨邊戍客日載塞垣雲埋龍漠月照雁門遶兵
朝開胡馬夜奔顧身自恨吊影誰言偶故人兮
邂逅揮涕淚兮寒溫述沙場之痛楚問鄉國之
田園當年髣髴兮白復白舊日交遊兮存不存
乃有五陵少年千金任俠重諾輕生報仇飲血
愛趙女兮秦娥指青樓兮紫陌過俠邪之娼家
遠邯鄲之賓客選絲竹兮徵歌奏笙簧兮按拍
玉燭羅幃瑤筵玳席行醇酎兮千巡盡歡娛

龍峰集

卷之十一

五

永夕或有深閨少婦久別征夫雁稀鯉絕月諸秋風冷落芙蓉帳夜月空明翡翠縑愁復愁兮容色改怨復怨兮形影孤值夫君之歸輪聞門外之嘶馬涉遠道兮言旋喜從天兮而下慶再世之伉儷隔幾年之春夏嫵婉由此兮重伸別淚從今兮不洒至若永巷長門深宮淩側紅葉傳情團扇掩泣着舞衣兮空自傷歌悲愁兮倍於挹閉椒室兮徒含情恨君王兮不相識一旦親召幸非常賜顏色得寵有時承恩無期

龍峰集

卷之一

其或才子風流高唐夢寐朝朝暮暮雲雨雨二八佳人妖嬈旖旎被繡縠兮桂裳服羅綺兮續綺迴眸轉盼芳心欲起雖夢幻之匪真亦交懽之堪喜又若修真羽士拔宅飛昇黃龍可御白鶴堪乘遊玉樓兮金闕踏紫府兮瑤京視人間于凡濁謁上帝于杳冥拍群真兮嚼瓊蕊揖八公兮參雲輶欣聚首之有數幸宴樂之匪輕若夫流落羈臣長沙遠謫鵬既來棲地復單濕一朝命下身歸舊國談夜半之鬼神令至尊

前席上與下兮相親悲與喜兮交集又若之小墨客千里神交偶通姓名于逆旅或枉車駕于衡茅似磁引鐵如漆附膠又有苧羅妖姬江漢游女逍遙水濱顧盼江汜一見兮目成相對兮魂旣既贈珮兮委心不投梭兮拊齒別離條忽遊會匪常雖日月之逾邁豈中心之能忘覺離欣之交戰疑晤對之倉皇誰能當綢繆顧戀之際而不神爽飛揚者乎亂曰擾擾浮生真過客今世路多岐何輻輳兮人生見期詎能必兮

龍峰集

卷之一

其或憂心始如積兮憬迷途之茫茫寤天地之極今

燈花賦

陽暉乍匿陰魄初生曲房暗室短架孤檠剔銀缸于獨夜蕪闌膏干深更欲吐萼而結蕊徐耀跼而舒英光閃閃以搖玉影離離而綴瓊碎寶炬之羅列讓庭燎之晶熒爾其非綠非青如珠如紺艷態芬敷冶容璀璨素辨宵燐丹葩夕燠垂穗抽條縈枝繞幹既乍翕以還張偶將明而